



COMUNI DI SANT' ANTONI DI GADDURA

Prvincia di Sassari

**Area Tennica - Polizia Municipali
Ufficiu Polizia Municipali**

ULDINÀNZIA N.4 DI LU 14.03.2022

Uggettu: CIILCULAZIONI DI LI CANIE IGENI DI LU SÓLU PÚBBRICU

LU SÍNDACU

Ravvisata ancóra la nizissitai di richjamà l'attinzioni púbbrica innant'a lu diutu rispettu di celti réguli di cundutta zivili chi déni esse siguti da li patroni di cani pa' valdià e pultà illi lochi púbbriichi chisti animali da affezioni, prinzipalmente pa la tutela di la saluti púbbrica, di l'ambienti e pa' garantí la cunvivènzia pacifica, l'incolumitai púbbrica e lu sta bè di li cani cuidati da li zittadini;

presu attu di li cuntínui segnalazioni e lumentu arriati da la cittedinànzia pa li strobi casgiunati da la bruttura lacata da li cani accultu a li casi, illi stradi púbbriichi, marciapiedi, e in generali illi zoni púbbriichi;

presu attu chi:

- in umbè di casi li cani so lacati libbari e chena gualdia da li patroni o da chi l'accumpagnani, pilmittendi a l' animali di ggirà libbaramente illi stradi e piazzu cumunali
- In altu cilocustanzii li pruprietari o li cunduttori, puru tinendi a liacciulu l'animali, no àni infattu lu nizissàriu pà accapitanni la bruttura, cumpruendi chi venaria a mancà la bucatuura di l'eventuali bruttura di li cani;

cunsidaratu chi:

- Chisti cumpultamenti, in più di pultà dannu a lu decoru púbbricu, póni puru esse casgioni di pussíbuli pirículu di natura igenicu sanitària;
- Lu pruprietariu e/o lu chi polta un cani è sempri responsabbili di lu sta bè, di l'avilguamentu e di la ghia di l'animali;

rilevata la nizissitai di valdià e dà un'attuazioni cuncreta a l'ubbrichi privisti da li legggi nazionali e regionali in vigóri;

ritinutu nizissariu sanzianà la mancata dotazioni, da palti di l'accumpagnadóri di lu cani, di attrezzaturi addighenti a accapità li brutturi, cumpruendi chi venaria a mancà la bucatuura di l'eventuali bruttura di li cani;

ritinutu puru nizissàriu piddà un pruvvidimentu pa galdà l'incolumitai púbbrica, lu decoru di lu paesi e l'igeni di lu sólu púbbricu;

cunsidaratu chi la pubblicazioni di lu prisenti attu rimpiazza la comunicazioni di avviu di lu pruzzedimentu di l'interissati, pa' lu fattu chi chistu mattessi è destinatu a la generalitai di li passoni;

VISTI:

- lu D.P.R. n. 320/1954 "regolamento di Polizia Veterinaria";
- l'altt. 13, 16, 17, 18, 19 e 20 di la legggi di depenalizzazioni n. 689/1981 ess. Integrazioni e modificazioni;
- la legggi quadru in materia d' animali d'affezioni e prevenzioni di lu ruggjumentu n. 281/1991;
- la legggi Regionali innant'a "interventi per la tutela degli animali d'affezione e prevenzione del randagismo";
- la legggi regionali n. 21/1994 " norme per la protezione degli animali ed istituzione anagrafe canina";
- l'alt. 672 C.P. innantu a la cudiata custódia e malguvelnu di l'animali;
- l'alt. 727 C.P., mod. di l'alt. 1 , co. 3, di la legggi n. 189/2004, relativa a la mancata dinúnzia di paldimentu o la fura di lu cani in régula cun lu microchip;
- l'alt. 13 di la legggi n. 833/1978;
- l'uldinànzia di lu ministéri di lu salutu di lu 06 austu 2013;
- l'alt. 2 di l'uldinànzia Ministeriali di lu 03.03.2009 "tutela dell'incolumità pubblica dell'aggressione di cani";
- l'alt. 2052 c.c.

richjamati l'altt. E 54, di lu D.lgs. n. 267/2000 chi assignani a lu Sindacu la cumpetènza in adozioni di pruvvidimenti cuntinuibili e ulgenti, rispettivamente, in casu di emelgènzii sanitari o di igeni púbbrica, puru cu lu scopu di previní e liminà pirículi grai contr'a l'incolumitai di li zittadini;

visti l' altt. 7 e 7 bis del D.lgs. n. 267/2000 e ss. mudificazioni;

ULDINIGGJA

Pa la tutela di l'igeni, di lu salutu, di la sicurànzia e di l'incolumitai, e puru pa' lu decoru di lu paési cun dicurrènza immidiata:

1. ILL'ASSUNTU DI LA VÁLDIA DI LI CANI.

Li pruprietari e/o li ditinidóri déni assigurà la vâldia di li cani e déni aduttà tutti li misuri addighenti pal parà la fua e pal priviní situazioni di pirículu a dannu di altu resi o zittadini:

- a. È pruibbitu abbandunà e fà iscí dapareddi li resi illu territòriu comunali; simmai vèngghini agattati cani líbari chena cuntivíciu, venarà posta la sanzioni amministrativa pecuniària di lu puntu 4) di la prisenti uldinànzia;

- b. Lu paldimentu di un cani dé esse dinunziatu indrentu di 3 dí da l'eventu, a l'Ufficiu di Pulizzia Locali di lu Comuni di Sant'Antoni di Gaddura e a lu silvíziu cumpitenti pa' lu territóriu;
- c. Lu cambiù di residènzia di lu pruprietàriu, saría a dí lu passaggu difinitivu di un cani a un'alta passona , o la molti di lu cani, déni esse cumincati indrentu di 15 dí a lu silvíziu vittirinàriu cumpitenti pa l'aggiornamentu di l'anàgrafi canina;

2. ILL'ASSUNTU DI L'UBBRICU DI ISCRIZIONI A L'ANÀGRAFI CANINA E PUSTURA DI LU MICROCHIP.

- a. È impostu l'ubbricu a li patroni di li cani di pruvvidé a l'iscrizioni a l'anàgrafi canina illu cumpitenti silvíziu vittirinàriu A.S.L. indrentu di 15 dí da la microchippatura
- b. Cassisia chi tènghia a cassisia titulu, saria a dí chi pussédi un cani o azzetta di dalli contu, à l'ubbricu di identificallu pal mezu di microchip ed è rispunsàbbili puru di la só riproduzioni, di la vàldia, di lu salutu e di lu sta be' puru di la cria.
- c. È ubbrigatóriu idintificà pal mezu di microchips la catiddata di cani microchippati indrentu di lu sigundu mesi d'étai illu Silvíziu Vittirinàriu cumpitenti pa' territóriu, saria a dí und'e li vittirinari libari professionisti, bastecchí l'oparazioni di ricunniscimentu eletrónicu sia nutificatu a l'anàgrafi da lu mattessi vittirinàriu chi poni lu microchip.

3. ILL'ASSUNTU DI LA PUSSISSIONI D' ISTRUMENTI DI PULIZIA ADDIGHENTI E ACCAPITATA DI LA BRUTTURA

È ubbrigatóriu pal tutti li pruprietari e accumpagnadóri di cani, candu li poltani ill'arei pubbrichi o abbalti a lu pubbricu, o ill'arei distintati a li gjochi pa' li stéddi o in dugna manéra allaccanati:

- a. Di frunissi, mustrendilu a l'òlgani di vigjilànzia siddu chi è dummandatu, di kit pa' la pulizia o alta attrezzatura addighenti, pa' accapitanni, eventualmenti, la bruttura di li resi;
- b. Di prudé subitamenti a bucani la bruttura pal mezu di li supramintuati istrumenti

4. SANZIONI APPRICATIVI

Lu pruprietariu di un cani è sempri chjamatu a fà stà be, a valdià e a accumpagnà la resa e rispondi sia civilmenti che penalmenti, di danni o lisioni a passoni, resi o cosi casgiunati da lu cani mattessi.

Francu chi lu fattu no custituiggja riatu più grai e fatta salva l'applicazioni di li sanzioni privisti da normi speciali, pa' l'inussilvànza di cantu è scrittu illa prisenti uldinànza

è inditta una sanzioni amministrativa da euro 100,00 a euro 500,00, estinghibili pa li vii culti cun euro 200,00.

DISPONI

1. Chi la presentu uldinàntzia è subbitamenti esecutiva;
2. Chi lu presentu pruidimentu no agatta applicazioni illi cunfronti di li suggjeti no videnti accumpagnati da cani guida o di li passoni cun disabilitai accumpagnati da li só cani, e puru illi cunfronti di l'unitai cinófilu, di li folzi di pulizzia e prutezioni civili in fra di lu só trabaddu;
3. Chi lu presentu pruidimentu, pal mezu di l'uffíciu di Pulizzia Locali di lu Comuni di Sant'Antoni sia mandatu a l'uffíciu Comunicazioni pa la pubbricazioni a l'albu pretóriu di l'Enti;

la Pulizzia Locali è ingarrigata di l'esecuzioni di la presentu uldinàntzia.
La presentu uldinàntzia burriúggja dugna pruvvidimentu d'innanzi in matéria chi sia in disaffiu cun chista mattessi uldinàntzia.

AVVELTI

Cunfolma a l'altt. 3 e 4 di la leggji n. 241/90, chi contra a lu presentu pruidimentu pó esse pruppostu a paltí da la data di pubbricazioni:

- Ricussu a lu T.A.R. di Cagliari indrentu di 60 dí da la pubbricazioni a l'albu pretóriu;
- Ricussu strauldinàriu a lu P.D.R. , sinnò che pal muttí di ligjittimitai, indrentu di 120 dí da la pubbricazioni a l'albu pretóriu.



Istituto Chircas



Comuni di Sant'Antoni di Gaddura



REGIONE AUTÒNOMA DE SARDIGNA
REGIONE AUTONOMA DELLA SARDEGNA